



## Delmas se nominasie as Dorp van die Jaar

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**Die meeste mense het die nuus dat Delmas genomineer is as Dorp van die Jaar met verbasing en ongeloof begroet. Sommige het gedink dit is 'n grap, en ander het in geen onduidelike taal nie met afkeuring gereageer.**

Hoe gebeur dit dat Delmas deel geword het van die kompetisie terwyl ons, soos die meeste plattelandse dorpe, sukkel met die verval van infrastruktuur? Diegene wat bekend is met Delmas sal weet dat daar daagliks 'n groot aantal steenkoolvragmotors deur ons dorp beweeg wat ons paaie beskadig. Soos met die meeste plattelandse dorpe, is die stadsraad nie in staat om die verval te bestuur nie.

Met dit gesê, het ons so 'n bietjie meer as twee jaar gelede begin met 'n organisasie genaamd Delmas Herleef. Vir meer as twee jaar is ons as 'n groep vrywilligers besig om Delmas te herstel. Ons maak slaggate reg, tel rommel op, verf randstene en plant bome. Vir meer as twee jaar is ons in gesprek met Delmas se stadsraad, en oor dié tyd het 'n wedersydse verstandhouding van ondersteuning ontstaan. Waar nodig, verskaf die stadsraad hulp of reguleer hulle die verkeer, sodat ons herstelwerk kan doen.

Einde 2022 het 'n groepie van ons die vorige wenner van die Dorp van die Jaar-kompetisie, Kroonstad, gaan besoek. Ons wou by hulle leer. In Kroonstad het ons opnuut besef dat indien ons nie self iets gaan doen nie, niks gaan verander nie. Die besoek aan Kroonstad het ons opnuut gemotiveer om meer te doen ten einde 'n beter toekoms te skep.

Delmas is deur iemand van buite Delmas genomineer. Die nominasie was vir ons as Delmas Herleef tegelyk 'n verrassing en 'n skok. Tog was dit vir ons ook 'n uitdaging. As ander dorpe dit kan doen, kan ons dit ook doen. Vir ons is die fokus van die kompetisie nie op hoe ons dorp nou lyk nie, maar op hoe ons dorp kan lyk as almal saam iets doen. Alhoewel nie almal positief is oor ons kans om die kompetisie te wen nie, het die verskillende kerke se leraars ingekoop op die nominasie en het ons gaan kyk na Nehemia se herbouing van die muur om Jerusalem. Nehemia was hartseer oor die toestande in Jerusalem, en nadat hy die nodige beplanning gedoen het, het hy elkeen in Jerusalem aangemoedig om deel te word van die herstel van die muur. Nehemia-hulle is ook bespot en uitgelag vir hul poging, maar hulle het aanhou bou totdat die muur herstel is.

So is dit ook in Delmas, maar dan is dit ook waar van die meeste dorpe en stede in ons land. Die uitdagings en teenstand is oral baie. Sommige herstel en ander brand af. Sommige tel rommel op en ander strooi die rommel. Sommige het hoop en ander is moedeloos. Sommige wil nog probeer en ander wil nie.

Dorp van die Jaar of nie, dit maak nie saak nie. Wat wel saak maak, is dat Delmas se inwoners die toekening van "Inwoners van die Jaar" behoort te wen. Ons inwoners gee nie op nie. Ons sal aanhou om te doen wat reg is. Ons sal aanhou om te herstel en op te bou, om skoon te maak en te verf. Ons sal aanhou om hoop te gee en saam te bou aan 'n beter toekoms. Elke dorp en elke gemeente behoort deel te word van die opbou van die omgewing waar ons woon.

**Dr Martin Jansen van Rensburg, Delmas**

## Lief en leed



Ds Theo Janse van Nieuwenhuizen



Ds Pierre Roets



Ds Naas Lombard

- Dit gaan nie goed met emerituspredikant **ds LJ (Lukas) Meyer** (83) nie. Hy was verlede week in die hospitaal en is ontslaan, maar is steeds swak. Ons bid hom en sy vrou, Corrie, baie sterkte en die Heer se onderskraging toe.
- Emerituspredikant **ds TH (Theo) Janse van Nieuwenhuizen** (74) het op 25 April 'n driedubbele hartomleiding in die Sunninghill-hospitaal ondergaan. Die operasie was 'n sukses, maar die herstel is maar moeilik, met dreigende longontsteking. Ons bid hom volkome herstel toe, en baie sterkte vir hom en sy vrou, Anna-Marie.
- **Ds PJ (Pierre) Roets** se **25-jaar-ampsjubileum** vind plaas op **Sondag 14 Mei** om 09:00 by Gemeente Springs-Oos, Ermeloweg 61 / Jurgenslaan 16, Strubenvale.
- **Ds IM (Naas) Lombard** (64) van Suidoos-Witbank aanvaar in Junie 2023 vervroegde emeritaat. Sy **afskeidspreek** vind plaas op **Sondag 4 Junie om 11:00** in die gemeente, met 'n ete in die saal van Laerskool Klipfontein na die erediens. RSVP asseblief **voor of op 29 Mei** by Annelien (082 512 9849) of die gemeentekantoor (082 546 8221 / 087 148 9438).
- **Die volgende predikante verjaar tot 12 Mei, en word hartlik geluk gewens:**
  - Donderdag 4 Mei: Ds PJ (Pierre) Roets (51) (Springs-Oos)
  - Vrydag 5 Mei: Drr JP (Johan) Bester (60) (Randfontein Midpark), H (Hein) Delport (45) (Swartkop) en EB (Ernest) Marran (62) (Losberg)
  - Maandag 8 Mei: Ds L (Lamé) Janse van Rensburg (25) (Rooihuiskraal)
  - Dinsdag 9 Mei: Ds L (Leon) Geel sr (61) (Grimbeekpark)
  - Woensdag 10 Mei: Di FH (Frans) Ras (56) (Nigel), SJ (Fanie) Swanepoel (92) (emeritus) en GJW (Gert) van der Merwe (75) (emeritus)
  - Donderdag 11 Mei: Dr JC (Christo) van der Merwe (74) (emeritus) en ds G (Guillaume) Rocher (53) (Balfour/Heidelberg)

## Gemeentes en bediening

- **Gemeente Naboomspruit: Vakante pos vir voltydse orrelis.** Belangstellendes kan hul CV stuur na [nedhervkerknbs@gmail.com](mailto:nedhervkerknbs@gmail.com) of Marlene kontak by 014 743 1325 tydens kantoorure (08:00-13:00). Die voordele sal met die kandidate bespreek word. Die kerkgebou is op die hoek van Vyfdelaan en Nelson Mandelarylaan in Naboomspruit.
- **Die SPE-museum en Gemeente Wonderboompoort** (waar die Museum in 'n 1905-kerkie geleë is) benodig **finansiële ondersteuning** vir die Kerkmuseum se restourasie. 'n Skenking aan hierdie liefdadigheidsprojek is belastingaftrekbaar. Kontak ds Carel Johann de Bruin by [careljohann@gmail.com](mailto:careljohann@gmail.com) of 082 733 3951 indien u kan help, of gebruik hierdie bankbesonderhede:

NHK Wonderboompoort

Absa

Tjekrekening 630580048

Verwysing: Verf Museum

Kenningsgewing aan: [careljohann@gmail.com](mailto:careljohann@gmail.com)

- Ds Carel Johann de Bruin vra ook: *Is daar enige ou, unieke speelgoed van dominees, predikantsvroue en kerklidmate wat vir die Museum geskenk kan word vir 'n spesiale uitstalling?* Kontak hom by [careljohann@gmail.com](mailto:careljohann@gmail.com) of 082 733 3951.
- Ds Carel Johann de Bruin is ook op soek na die **kanselkleed van Gemeente Dordrecht** (wat in 1939 gestig is en in 2018 ontbind het), asook enige inligting oor en foto's van die kerkgebou, kansel, ensovoorts. Kontak hom by [careljohann@gmail.com](mailto:careljohann@gmail.com).

## Vergaderings

- Vrydag 5 Mei: Oudit- en Risikokomitee
- Donderdag 11 Mei: ADV Dagbestuur
- Vrydag 12 Mei: Moderamen  
TOIBO Ledevergadering

## Kerklike publikasies

- In die **Mei 2023-uitgawe van *Die Hervormer*** skryf **dr Gerhard Niemann**: *Die een ding wat baie probleme in mense se lewens veroorsaak, is onsekerheid. Of dit nou huweliksprobleme, werksprobleme, trauma of verlies is, dit kom grootliks neer op die ervaring van onsekerheid. Dr Johan van Staden*, redakteur, brei daarop uit wanneer hy skryf: *...te veel mense leef in eensaamheid en het nie 'n enkele persoon om hulle by te staan in tye van nood nie, en sonder ondersteuning sal ons nooit staande kan bly in tye van onsekerheid nie.* Die onderskeie **voorsitters van die drie klusters** (werkgroepe of fokusgroepe) van die Kommissie van die AKV vertel meer oor hul werkterreine: gemeentebediening; teologiebeoefening, teologiese opleiding en toerusting; en administrasie, finansies, regsake en kommunikasie. **Ds Etienne Fourie** vertel van die verjongingskuur wat Gemeente Kempton se orrel ondergaan het, en **prof Yolanda Dreyer** skryf oor die saak van Jesus: *Sentraal tot ons geloofslawe is Jesus, sy lewe en manier van doen. Historiese of Nuwe Testamentiese bronne kon Hom nie vasvang nie. Hulle kon net óór Hom getuig, soms eers baie lank na sy lewe op aarde. Hulle kon net getuig van hul eie verstaan van Hom.* Lees ook **dr Piet Boshoff** se resensie van prof IWC van Wyk se boek *Philipp Melancthon: Die denker, leermeester en opvoeder van die Reformasie*, en **ds Carel Johann de Bruin** se vertelling oor die Van der Hoffse en die hoogtepunte wat hulle telkens in Meimaand beleef het. Bykomend tot die verspreiding van die gedrukte weergawe van *Die Hervormer*, word die artikels van elke uitgawe **op die Kerk se webblad** geplaas, en 'n **pdf-weergawe** word ook aan predikante en gemeentes beskikbaar gestel.
- Talle van die ontvangers van **Blitspos** stuur weekliks die lokflits en/of *Blitspos* na vriende en kollegas aan. U is welkom om die besonderhede van dié sekondêre ontvangers met hul toestemming aan ons te stuur, sodat hulle ons korrespondensie direk kan ontvang. Stuur gerus sodanige e-posadresse na [bladuitleg@nhk.co.za](mailto:bladuitleg@nhk.co.za).
- Ons nooi weer eens die NHKA se predikante om **preke (sonder liturgie) te stuur** na [annelie.botha@up.ac.za](mailto:annelie.botha@up.ac.za) vir **plasing op die Kerk se webblad** by <https://nhka.org/die-woord/preke/>. Daar bestaan ook 'n **behoefte aan Engelse preke**, en ons predikante in die buiteland kan gerus ook hul preke vir ons stuur.
- Predikante en kategesehoofde kan ons gerus laat weet hoe hulle **die NHKA se kategesehandleidings** aangepas het **vir gebruik deur gekombineerde jaargroepe**. Ons besef dat die verskillende kategeseklasse in sommige gemeentes so klein is dat die jaargroepe soms saam klas kry. Die inligting sal waardevol wees wanneer die handleidings weer hersien moet word. Stuur gerus die inligting na [produksie@nhk.co.za](mailto:produksie@nhk.co.za).

## Studentesake

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmensewoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.



## 'n Gedig

Meimaand is my maand;  
sy met haar suiwer son,  
haar melkwit wolke,  
haar kobaltblou lug.  
Van die bloutedaeraad  
tot die muisgrou aand  
is dit windvry,  
roerloos;  
en rustigheid gedy.

Gedwee laat sy haar kleure val  
in droë blare;  
sy laat die takke kaal –  
gereed vir die winter se vaal.  
Uitvaltyd lê van haar herfskleure  
teen 'n westewolk  
in skakerings van vuurrooi,  
karmynrooi, persrooi.  
Haar aandstiltes is gedrae  
aan die eindes  
van die silweromsoomde dae.

My lewensaand hier  
is rustig-stil  
soos 'n Karoo-aand  
in Meimaand.

**(Prof) Andries Breytenbach**  
Emeritus/Vanderkloof

## Toerusting



**Vir ouderlinge: Gevorderde toerusting in liturgie**

Kom leer hoe die NHKA oor liturgie dink en om self die liturgie vir 'n erediens saam te stel. (Deel I van module oor die fasilitering van 'n erediens)

**15 Mei 2023 om 19:00 (Zoom)**

**Aanbieder – Ds Hannes van der Merwe**

<https://us02web.zoom.us/j/9427689935?pwd=d3d3K1N1cDU0a1pIZCtjSS9ZSFY4dz09>  
Meeting ID: 942 768 9935  
Wagwoord SGB

- **Mentorskap-opleiding: 22 en 23 Mei van 09:00 tot 16:00 aanlyn.** Die toerustingsgeleentheid is gratis en VBO-punte sal toegeken word. Dit is vir die Kerk belangrik om te belê in die opleiding, groei, ondersteuning en begeleiding van predikante. Alle belangstellendes is welkom. Kontak ds Lisa-Mari Prinsloo by [lisamari.swanepoel@gmail.com](mailto:lisamari.swanepoel@gmail.com) om jou plek te bespreek.


# In gesprek met die Millienniers en ander generasies

2de van 6 maandelikse gesprekke vir Predikante (VT) en gemeentes

23 Mei 2023 om 09:00 en 19:00

Meeting ID: 942 768 9935  
Passcode: SGB

<https://us02web.zoom.us/j/9427689935?pwd=d3d3KINicDU0d1pIZCtjSS9ZSFY4dz09>



## Barmhartigheid

- **Tooi Turkoois vir Bejaardes**  
15 Mei – 15 Junie  
[www.goturquoise.co.za](http://www.goturquoise.co.za)  
Viering by Voortrekkermonument  
Woensdag 31 Mei 2023  
08:15 vir 09:00-13:00 op die Amfidak  
Toegang: R75 (gratis toegang tot terrein)  
Volkspiele, Boeremusiek, ligte verversings, kontantsnoepie  
Besok aan Monument ingesluit  
Navrae: 072 349 8395 / [admin@helpseniors.org.za](mailto:admin@helpseniors.org.za)
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / [manager@belfastrusoord.co.za](mailto:manager@belfastrusoord.co.za) vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deerkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / [navrae@athalia.co.za](mailto:navrae@athalia.co.za) / [www.athalia.co.za](http://www.athalia.co.za).
- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit enkel-, eenslaapkamer-, 1½-slaapkamer- en tweeslaapkamerwoonstelle. Kontak Salomie Stolz by 012 329 4318 / 083 308 0520 vir meer inligting en pryse.

## Fondsinsamelings

- Daar is 'n **geleentheid vir 'n gemeente of individu** om by die nuwe **Centurion Boeremark op Saterdag** pannekoek en/of *jaffles* te verkoop. 'n Stalletjie kos R250 per Saterdag. Deposito R250 eenmalig en sertifikaat van Tshwane vir kosverkope eenmalig R920. Kontak Christo Potgieter by 072 737 3644.
- **Gemeente Oos-Moot**  
**Sangaand Vrydag 5 Mei om 19:00**  
R150 per persoon  
Met Jannie du Toit en Helena Ceronio  
Collinslaan 1265, Môregloed  
Bespreek by Zonnie Duvenhage 072 127 1452 /  
Miranda Victor 082 354 9786
- **Gemeente Randburg bied aan: Nataniël**  
**Woensdag 24 Mei om 19:30**  
Hoërskool Randburg  
Kaartjies R250 per persoon  
Bespreek by Quicket
- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekureit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

## Betaalde advertensies in hierdie nuusbriëf

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbriëf geplaas word.** (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**



## Gebed vir die week

Vader,  
seën my en my familie  
met goeie gesondheid en liggaamskrag.  
Versterk my gees  
sodat ek die verpletterende uitwerking  
van depressie, eensaamheid,  
onwaardigheid en hooploosheid kan beveg.  
Skyn u hemelse lig oor my en my familie.  
Heer, lei ons só dat ons vrede sal vind,  
en geluk, en vreugde –  
in ons lewens,  
en diep binne ons.  
Amen.

[www.facebook.com/redeafineservices](http://www.facebook.com/redeafineservices)

(Afrikaanse verwerking: Tessa Oppermann)